

GOBERNU-ORGANOAK: EUSKAL ESTADISTIKA ERAKUNDEA/INSTITUTO VASCO DE ESTADÍSTICA (EUSTAT)

Zuzendaritza Nagusia da Euskal Estatistika Erakundea/Instituto Vasco de Estadística-ren organo gorena.

Erakundeko zuzendariari dagokio apirilaren 23ko 4/1986 Legearen 31. artikuluan aipatutako eskumenez baliatzea, bai eta indarrean dauden arauen arabera dagozkion beste eskumenez baliatzea ere.

Hona hemen zuzendari nagusiaren funtzioak:

- a) Erakundearen legezko eta judizioz kanpoko ordezkarietza.
- b) Administrazio-zuzendaritza, eta Erakundearen jarduerak bultzatu, zuzendu eta koordinatzea.
- c) Euskal Funtzio Publikoari buruzko uztailaren 6ko 6/1989 Legearen 10.3 artikulua langileri gaietan erakunde autonomo bakoitzari egozten dizkion eskumenez baliatzea.
- d) Estatistika-langileen prestakuntzarekin lotutako jarduerak bultzatu, zuzendu eta koordinatzea.
- e) Erakundearen aurrekontuen aurreproiektua proposatzea, atxikita dagoen sailak onar dezan.
- f) Erakundearen gastuak baimentzea eta ordainketak agintzea.
- g) Kontratazio-organoari dagozkion ahalmenez baliatzea.
- h) Hitzarmenak eta akordioak izenpetzea, betiere Euskal Autonomia Erkidegoaren Administrazioaren arau orokorren arabera.
- i) Euskal Autonomia Erkidegoaren ordezkarietza ofiziala estatistika gaietan.
- j) Estatistika-planen aurreproiektuak eta estatistikaegitarauen proiektuak osatzea.
- k) Euskal Autonomia Erkidegoak estatistika gaietan Euskal Autonomia Erkidegoarekin eta mundu, estatu eta eskualde mailako estatistika-erakunde eta antolakundeekin dituen harremanak bultzatu eta zuzentzea.
- l) Euskal Estatistika Antolakundearen estatistikajarduera planifikatu, normalizatu eta harmonizatzea.

Euskal Estatistika Erakundeko zuzendaritza nagusiaren menpe daude honako organo hauek, eta zuzendariordetza maila dute:

a) Koordinazio Tekniko eta Zabalkundeko Zuzendariordeztza.

b) Estatistika Produkzio eta Analisiko Zuzendariordeztza.

Oro har, zuzendariordeztei dagokie:

a) Zuzendariordeztzaren jarduerak programatu, bultzatu, zuzendu, koordinatu eta kontrolatzea, betiere Erakundeko zuzendari nagusiak ezartzen dituen jarraibideen arabera.

b) Zuzendariordeztzari egotzitako material, diru eta giza bitartekoak zuzendu eta koordinatzea.

Koordinazio Tekniko eta Zabalkundeko Zuzendariordeztzaren funtzioak hauek dira:

a) Euskal estatistika-planean eta urteko estatistikaegitarauetan agertzen diren estatistika-eragiketa guztien egitasmo teknikoak gainbegiratzea, eta izaera teknikoko kontu-ikuskaritzak egitea.

b) Erakundearen jardunari aplikatzeko metodologiá berriak ikertzea eta garatzea, eta izaera horretako Europa eta mundu mailako egitasmoetan parte hartzeari lehentasuna ematea.

c) Erakundearen informazio eta telekomunikazio-sistemak diseinatu, garatu, iraunarazi eta ezartzea, eta horretarako, sistema-plan egokiak osatzea eta Erakundearen arlo horretan erabiliko diren estandarriak proposatzea, otsailaren 18ko 35/1997 Dekretuan ezarritakoaren arabera, hau da, informazio eta telekomunikazio-sistemen egitekoak eta kudeaketa-modalitateen planifikazioa, eraketa eta banaketa arautzen dituen dekretuaren arabera.

d) Merkatuan dauden informatika eta telekomunikazio-produktuak aztertzea, Erakundearen jardunearan erabili ahal izateari begira.

e) Estatistika-eragiketen fase bakoitzean kalitateprozedurak ezartzea.

f) Estatistika-marketineko eta merkatu-prospekzioko lanak egitea, bai eta erabiltzaileen asebetetasunari buruzko azterketak ere, eta antzematen diren informazio-beharrak betetzea ahalbidetuko duten azterketak, analisiak eta estatistika-eragiketak egin daitezzen proposatzea.

g) Zuzendari nagusiarekin elkarlanean aritzea Erakundeak Euskal Autonomia Erkidegoko, estatuko eta mundu osoko estatistika-erakundeekin dituen harremanak koordinatzen, bai eta unibertsitateekin, hedabideekin, eragile ekonomiko eta sozialekin, erabiltzaileekin eta Erakundearen bezeroekin dituen harremanak koordinatzen ere.

h) Euskal Estatistika Antolakundeak erabiliko dituen arau, sailkapen, kode eta izendegien sistemak osatzea eta iraunaraztea.

- i) Zuzendaritza nagusiaren ildoei jarraiki, Erakundearen zabalkunde-politika ezartzea, zabalkunde-produktu egokiak gauzatuz eta Erakundearen Internet zerbitzariaren edukiak iraunaraziz eta hobetuz.
- j) Euskal Autonomia Erkidegoko estatistikako datu-bankua diseinatu, garatu, iraunarazi eta ezartzea.
- k) Erakundearen Informazio Zerbitzua zuzentzea, bai egoitza nagusian, bai herrialdeetako bulegoetan ere.
- l) Bilduma-izaerako zabalkunde-produktuak proposatzea eta, behar izanez gero, egitea.
- m) Erakundeari egiten zaizkion kanpotiko informazio-eskaerak eta laguntza teknikoko eskabideak bideratzea, eta zuzendariordezari dagozkionei erantzutea.
- n) Estatistika-etorkiko eta administrazio-etorkiko kanpoko informazio-iturriak (estatistikak egiteko erabil badaitezke) inbentariatzea eta katalogatzea.
- o) Euskal Estatistika Antolakundearen estatistikagaldesorten erregistroa eta proiektu teknikoen erregistroa osatzea eta iraunaraztea.

Estatistika Produkzio eta Analisisiko Zuzendariordezaren funtzioak hauek dira:

- a) Zuzendariordezari egotzitako plan eta egitarauetako estatistika-produkzioa proposatu, diseinatu eta garatzea.
- b) Estatistika-produkzioaren hobekuntza eta kalitate-prozesuak sistematizatu eta inplementatzea.
- c) Estatistika-informazioan oinarritutako azterketak eta analisiak osatu eta sustatzea.
- d) Zuzendari nagusiarekin elkarlanean aritzea estatistika-erakunde eta -organismoekin dituen harremanak sustatzen eta indartzen, ekonomia, gizarte eta biztanleria arloko estatistiken metodologiei buruzko alderdi teknikoetan jarduera koordinatuak bultzatzeko.
- e) Landa-lanak koordinatzea: informazio-bilketa, kalitate-kontrolak ezartzea, goi-mailako ikuskaritza eta agente elkarriketatzaileak, araztaileak, kodifikatzaileak eta ikuskatzaileak prestatzea.
- f) Fitxategi-gidazerrendak diseinatu, inplementatu, osatu eta iraunaraztea.
- g) Estatistiken sistema bateratuak eta ekonomia, gizarte eta biztanleria arloko adierazleak eta kontu ekonomikoak diseinatu, osatu eta iraunaraztea, bai koiuntura mailakoak, bai egiturazkoak ere.
- h) Ekonomia, gizarte eta biztanleria arloko estatistiken metodologiari buruzko alderdi teknikoekin lotutako koordinazioa eta aholkularitza.

- i) Zuzendariordezari egotzitako estatistikei buruzko egitasmo teknikoak osatzea.
- j) Zuzendariordezari dagozkion kanpotiko eskariei eta laguntza teknikoko eskariei erantzutea.